

## **В ПЯТОК 3-я СЕДМИЦЫ ВЕЧЕРА**

### **Обычное Стихословие.**

**На Господи воззвах поставим стихов 10, и поем самогласен дне, дважды,**

**глас 7:**

**Я**ко блудный отступих от благодати Твоя Господи, / и богатство расточих  
благости, / к Тебе прибегах благоутробне, / взывая Тебе Боже: / согреших,  
помилуй мя.

**Таже мученичны 4 Октоиха, прилучившагося гласа: и в Минеи 4: Слава,  
покоин гласа. И ныне, Богородичен 1-й гласа. Вход. Свете тихий:**

**Прокимен, псалом 59, глас 4: Дажь нам помощь от скорби, и суетно  
спасение человеческо.**

**Стих: Боже отринул ны еси, и низложил еси нас.**

**Бытия чтение. [Глава 8, ст. 4 – 21.]**

**С**еде ковчег в месяц седьмый в двадесять седьмый день месяца, на горах  
Араратских. Вода же уходящи умаляшеса даже до десятаго месяца: и в десятый  
месяц, в первый день месяца явишася верси гор. И бысть по чотыредесятих  
днех отверзе Ное оконце ковчега, еже сотвори. И посла врана [видети, аще  
уступила вода от лица земли,] и изшед не возвратися, дондеже изсяче вода от  
земли. И посла голубицу по нем, видети, аще уступила вода от лица земли. И  
не обретши голубица покоя ногама своима, возвратися к нему в ковчег, яко  
вода бяше по всему лицу всея земли: и простер руку свою, прият ю, и внесе ю к  
себе в ковчег. И премедлив еще семь дней, паки посла голубицу из ковчега: И  
возвратися к нему голубица к вечеру, и имеяше сучец масличен с листвием во  
устех своих: и позна Ное, яко уступи вода от лица земли. И премедлив еще  
семь дней других, паки посла голубицу, и не преложи возвратитися к нему  
потом. И бысть в первое и шестьсотное лето жития Ноева, в первый день  
перваго месяца, изсяче вода от лица земли и откры Ное покров ковчега, егоже  
сотвори, и виде, яко изсяче вода от лица земли. В месяц же вторый, в двадесять  
седьмый день месяца изсше земля. И рече Господь Бог Ноеви, глаголя: Изыди  
из ковчега ты, и жена твоя, и сынове твои, и жены сынов твоих с тобою: И вся  
звери елицы суть с тобою, и всяку плоть от птиц даже до скотов, и всяк гад  
движущийся по земли изведи с собою: и раститесь и множитесь на земли. И  
изыде Ное, и жена его, и сынове его, и жены сынов его с ним: И вси зверие, и  
вси скоти, и вся птицы, и вся гады движущияся по роду своему на земли,  
изыдоша из ковчега. И созда Ное жертвенник Господеви: и взя от всех скотов  
чистых и от всех птиц чистых, и вознесе во всеожжение на жертвенник. И  
обоня Господь воню благоухания.

**Прокимен псалом 60, глас 6: Услыши Боже моление мое, вонми молитве  
моей.**

**Стих: От конец земли к Тебе воззвах.**

### **Притчей чтение. [Глава 10, ст. 31 – 32. Глава 11, ст. 1 – 12.]**

Уста праведнаго каплют премудрость: язык же неправеднаго погибнет. Устне мужей праведных каплют благодати, уста же нечестивых развращаются. Мерила льстивая мерзость пред Господем: вес же праведный приятен Ему. Идеже аще внидет досаждение, тамо и безчестие: уста же смиренных поучаются премудрости. Умираяй праведник остави раскаяние, удобна же бывает и посмеятельна нечестивых погибель. Совершенство правых наставит их: и поползновение отрицающихся пленит их. не уполюзуют имения в день ярости: правда же избавит от смерти. Правда непорочнаго исправляет пути, нечестие же впадает в неправду. Правда мужей правых избавит их, безсоветием же уловляются беззаконнии. Скончавшуся мужу праведну, не погибнет надежда: похвала же нечестивых погибнет. праведный от лова убежит, в негоже место предается нечестивый. Во устех нечестивых сеть гражданином, чувство же праведных благопоспешно. Во благих праведных исправится град, и в погибели нечестивых радование. Во благословении правых возвысится град, усты же нечестивых раскопается. Ругается гражданином лишенный разума, муж же мудр безмолвие водит.

### **И прочее последование Преподесвященных.**

## **В СУББОТУ 3-Я СЕДМИЦЫ, НА УТРЕНИ**

### **Аллилуиа, и тропари, глас 2:**

**Апостоли, мученицы и пророцы, / святителие, преподобнии и праведнии, / добре подвиг совершившии, / и веру соблюдшии, / дерзновение имущии ко Спасу, / о нас Того яко Блага молитв спастися, / молимся, душам нашим. [Дважды.]**

### **Слава, мертвен:**

**Помяни Господи яко Благ рабы Твоя, / и елика в житии согрешиша прости: / никтоже бо безгрешен, / токмо Ты могий / и преставленным дати покой.**

### **И ныне, Богородичен:**

**Мати Святая / неизреченнаго Света, / ангельскими Тя песньми / почитающе, / благочестно величаем.**

**По 1-м стихословии глаголем седальны мученичны Осмогласника, прилучившагося гласа, три: и Богородичен.**

**По 2-м же стихословии глаголем седален покоин:**

### **глас 5:**

**Покой Спасе наш / с праведными рабы Твоя, / и сия всели во дворы Твоя, / якоже есть писано, / презирая яко Благ прегрешения их, / вольная, и невольная, / и вся яже в ведении и не в ведении Человеколюбче.**

### **Слава, конец.**

### **И ныне, Богородичен:**

**От Девы возсиявый миру Христе Боже, / сыны света Тою показавый, помилуй нас.**

**О сих всех указася в мимошедшую субботу. И чтение в Шестодневце.**

**Поем же канон Минеи, и святаго обители, и четверопеснец по чину их. Зде не стихословим Господеви поем, но абие глаголем ирмос Минеи.**

**Четверопеснец егоже краегранесие сицево: Поет сия Иосиф. Творение господина Иосифа. И стихословятся песни. Глас 4.**

### **Песнь 6.**

**Ирмос: Приидох во глубины морския:**

**Кровными напоисте каплями благочестивых сердца, злочестивых же полки яве в них потописте, страстотерпцы достославнии.**

**Прославивше удесы своими всех Владыку, ныне прославляетея непрестанно: слава верным страдальцы суще, и велицыи заступницы.**

**В** рове положился еси преисподнем, верую убо умершим покой Слове подаждь, священных страдалец мольбами, и согрешений прощение.

**Богородичен:** Да Тя гласы немолчными восхвалим Дево, гласы наша сия приими, и очищение долгов прияти, Сына Твоего умоли.

### **Иный господина Феодора. Глас 8.**

**Ирмос:** Содержима мя приими Человеколюбче, / грехи многими, / и припадающа щедротам Твоим, / яко пророка Господи, / и спаси мя.

**Н**ыне мученик торжество, стецемся, и страдания их всечестная ублажающе, Христа сих венчавшаго воспоим.

**Б**ожественною разжигаемы любовию Христовою на углех огня переходисте яко на росе, Того поюще мученицы блаженнии.

**Слава, Троицен:** Тя Троице пребезначальная, и Божественная Единице, Свет и Светы пою, Живота и Животы, Ума, Слова, Духа же Святаго, и Свята, единого Бога.

**Богородичен:** От корене твоего возсия цвет жизни, Иесее праотче възыграй, спасаяй мир, от Чистыя Отроковицы Христос Бог.

**Стих:** Дивен Бог во святых Своих, Бог Израилев.

**О**гня и меча, и смерти не убоявшеся, исповедание соблюдоште спасения, от Христа блаженнии укрепляеми.

**Стих:** Души их во благих водворятся.

**В** мертвых свободь, яко сый Начальник живота и смерти, Ты упокой яже приял еси, и во двory Твоя всели Человеколюбче.

**Ирмос:** Содержима мя приими Человеколюбче, / грехи многими, / и припадающа щедротам Твоим, / яко пророка Господи, / и спаси мя.

### **Кондак Глас 6:**

**С**о святыми упокой, / Христе, души усопших раб Твоих, / идеже несть болезнь, / ни печаль, / ни воздыхание, / но жизнь безконечная.

**Икос:** Сам Един еси безсмертный, / сотворивый и создавый человека: / земнии убо от земли создахомся, / и в землю туюжде пойдём, / якоже повелел еси, / создавый мя и рекии ми: / яко земля еси и в землю отыдеши, / аможе вси человецы пойдём, / надгробное рыдание / творяще песнь / : Аллилуиа.

### **Песнь 7.**

**Ирмос:** Юноши три:

**К**ому любящи страсти безсловесныя, воистинну душе уподобилася еси? кого превосходяща имела еси во гресех? Возопий Христу: спаси мя Благий.

Святити, во святых Почивающаго молити прилежно, в сия святыя дни освятити всех благочестивых мудрования.

**Вышний**, в милости богатый, и Благий, рабом Твоим оставление прежде усопшим подаждь, ликом праведных сия сопричитая, яко Человеколюбец.

**Богородичен:** Родила еси кроме законов естества, Создателя бывша Человека, Чистая: Того убо моли всех беззакония презрети ныне и прегрешения.

### **Иный.**

**Ирмос:** Ангелом отроки из огня спасый, / и гремящую пещь преложивый на росу, / благословен еси Боже отец наших.

Честных мученик показавый памяти, радость Церкви Твоей, и душевное утешение: благословен еси во веки Господи Боже отец наших.

Не лжем Ти Христе, ни отметаемся, мученицы вопияху, посреде мучений, беззаконныя судии удивляюще: благословен еси во веки Господи Боже отец наших.

**Слава, Троицен:** В трех Лицех едино Естество чтим, Отца, и Сына, и Духа, пророчески вопиюще: благословен еси во веки Господи Боже отец наших.

**Богородичен:** Како яко Мати раждаеши, и Дева пребыла еси? Яко Бога родих, не испытуй ми образа: елика бо хочет, творит, Богоотроковица вопиет.

**Стих:** Святым, иже суть на земли Его, удиви Господь:

Мученический личе богоизбранный, рабы твоя сподоби, поклонники быти Божественному и животворящему Спасову Кресту.

**Стих:** Блажени, яже избрал, и приял еси Господи.

Жизни сокровище, Царю безсмертне, яже избрал еси рабы Твоя в вере и надежде, вечныя Твоя жизни сподоби.

**Ирмос:** Ангелом отроки из огня спасый, / и гремящую пещь преложивый на росу, / благословен еси Боже отец наших.

### **Песнь 8.**

**Ирмос:** Избавителю всех:

Небоязненным идуще мудрованием к болезненным трудом мученицы, болезни плотския подъясте, и к неболезненному наслаждению преставльшеся всякую болезнь сердца облегчаєте.

Вышняя тленными изменивше, плотскими мя истлевша страстьми, пощением спасите, и молитвами прилежными мученицы божественнии, всех Бога моляще.

**Молитвами** Христе мученик Твоих, милости Твоя всем низпосли, и к Тебе благоутробному преставльшимся от жития, разрешение подаждь долгов, и Божественный покой.

**Богородичен:** Яко рождающая Бога безгрешного, наша грехи потреби матерними Твоими молитвами Богородице, и спаси вопиющая: благословите вся дела Господня Господа.

### **Иный.**

**Ирмос:** Богоглаголивии отроцы в пещи, / со огнем пламень попирающе пояху: / благословите дела Господня Господа.

Огнепальныя муки претерпевше, яко орошение страдальцы, с радостию взываєте: благословите дела Господня Господа.

Боговоинственный полк мученик, победивый лещь, победительно взываше: благословите дела Господня Господа.

**Благословим Отца, и Сына, и Святаго Духа, Господа.**

**С** Сыном Отцу поклонимся, и Всесвятому Духу, вси верно возопиим: Троице, Яже во единстве, спаси души наша.

**Богородичен:** Ты и Дева и Мати явилася еси, рождши без мужа, Бога всех, Всечистая: но Того моли, спасти рабы Твоя.

**Стих:** Дивен Бог во святых Своих, Бог Израилев.

Страстотерпец молитвами, Твоя рабы, и поклонитися и видети Христе Спасе сподоби, животворящий Крест, Твоя благодати.

**Стих:** Души их во благих водворятся.

Разоривый державу смерти, из мертвых востанием Твоим, преставльшиися упокой со избранными Твоими, хвалити Тя Господа.

**Хвалим, благословим, покланяемся Господеви:**

**Ирмос:** Богоглаголивии отроцы в пещи, / со огнем пламень попирающе пояху: / благословите дела Господня Господа.

### **Песнь 9.**

**Ирмос:** Ева убо недугом:

Укрепивше на камени мысленном мудрование, страстотерпцы, неразвратно, вся вражия коварства победисте: темже мя развращаема к страстем душетленным, утвердите к Богу молитвами.

Божественный и светозарный воистинну соборе мученик, моли преблагаго Владыку, во время воздержания, прощение прегрешений нам всем даровати, и вечное радование.

Человеколюбче едине Блаже, рабы Твоя в надежди воскресения почившия: вечнаго света Твоего невечерняго сподоби причаститися, и пищи наслаждения, да Тя со страхом величаем.

**Богородичен:** Света жилище, Твоя бысть Всесвятая утроба всевятая, темже верно вопию Ти: зеницы души моя озири, и стезю правую покажи, Тебе присно блажащему.

**Иный.**

**Ирмос:** Величаем Тя Матерь Божию, / и славим Тя Богородице Дево, / яко Спаса рождшую душ наших.

Мучеников память совершаем вернии, да тех причастимся славы, восхваляюще страдальчество подвигов их.

Вашего мужества зверие убо яшася зело, угасе огонь, сокрушишася луцы, в вас страдальцы дивен Бог.

**Слава, Троицен:** Превечное Естество, триипостасная Единице, Отче, Сыне и Душе Святыи, Свете и Жизне Богоначальная, Тебе славословящая сохраняй.

**Богородичен:** Благословим Тя Бога Израилева, от Девы явившагося миру, и воздвигшаго рог спасения нашего.

**Стих:** Святым, иже суть на земли Его:

Молитвенницы мира, страсотерпцы Христовы, Того видети Крест, и поклонитися сподобите всех молитвами вашими.

**Стих:** Блажени, яже избрал, и приял еси Господи.

Идеже истекает источник жизни, Сыне Божий, и посещения Твоего лица просвещение, к Тебе преставльшиися учини.

**Ирмос:** Величаем Тя Матерь Божию, / и славим Тя Богородице Дево, / яко Спаса рождшую душ наших.

**Таже, Достойно есть:**

**Ексапостиларий:**

Небо звездами украсивый яко Бог, и Твоими святыми всю землю просветивый, Содетелю всех поющия Тя спасай.

**Слава:** Живыми и мертвыми обладай яко Бог, упокой Твоя рабы в селениих избранных: аще бо и согресиша Спасе, но не отступиша от Тебе.

**И ныне:** Сладость ангелов, скорбящих радость, христиан предстательнице, Дево Мати Господня, заступи нас, и избави вечных мук.

**Такожде: указ на хвалитех, и на стиховне, в субботу вторую поста: Таже, Благо есть: и час 1-й. И отпуст.**

## НА ЛИТУРГИИ:

### Блаженна Гласа, На 6.

#### По входе тропари:

Апостоли, мученицы и пророцы, / святителие, преподобнии и праведнии, / добре подвиг совершившии, / и веру соблюдошии, / дерзновение имуще ко Спасу, / о нас Того яко Блага молити, / молимся, спаситися душам нашим.

Помяни Господи яко Благ рабы Твоя, / и елика в житии согрешиша прости: / никтоже бо безгрешен, / токмо Ты могий / и преставленным дати покой.

**Слава:** Со святыми упокой, / Христе, души раб Твоих, / идеже несть болезнь, / ни печаль, / ни воздыхание, / но жизнь бесконечная.

**И ныне,** Тебе и стену и пристанище имамы, / и Молитвенницу благоприятную к Богу. / Егоже родила еси, Богородице Безвестная, верных спасение.

**Прокимен, Веселитесь о Господе:**

**Стих:** Блажени, ихже оставишася беззакония:

**Другий:** Души их во благих водворятся.

#### Апостол ко Евреем, зачало 325. [Евр. 10, 32 – 38.]

Братие, **В**споминайте же первыи дни ваша, во нихже просветившеся, многиа страсти претерпесте страданий, ово оубо, поношеньми и скорбыми позоръ бывше, ово же, ѿбщницы бывше живдцими так: ибо оузати моятъ спострадасте и разграбленіе имѣній вашихъ съ радостію прїасте, вѣдающе имѣти себѣ имѣніе на нѣсѣхъ превывающее и лѣчшее. **Н**е ѿлагайте оубо дерзновенїа вашего, еже имать мздовоздааніе велико. **Т**ерпѣніа бо имате потребѣ, да волю вѣію сотворше, прїимете ѡбѣтованіе: еце во мало елико елико, грядый прїидетъ и не оукоснитъ. **А** прѣвый ѿ вѣры живъ вѣдетъ: и аще ѡбинѣтся, не бѣговолитъ дшѣ моѣ ѡ немъ.

#### И мертвен, к Солуняном зачало 270. [1 Сол. 4, 13 – 17.]

Братие, **Н**е хоцѣ же васъ, не вѣдѣти ѡ оумершихъ, да не скорбитѣ, якоже и прочїи не имѣции оупованїа. **А**ще бо вѣрдемъ, ѿкв иисъ оумре и воскресе, такъ и вѣтъ оумершыхъ во иисѣ приведетъ съ ними. **С**їе бо вамъ глаголемъ словомъ гднимъ, ѿкв мы живдции, ѡставшии въ пришествїе гдне, не имамы предварити оумершихъ: ѿкв сами гдѣ въ повелѣніи, во гласѣ архангеловѣ и въ трѣбѣ вѣіи снїдетъ съ нѣсѣ, и мертвїи ѡ хрїтѣ воскреснутъ первѣе: потѣмъ же мы, живдции



ѡста́вшїи, кѡ́пнѡ съ нїми восхнцѣніи вѣдемъ на ѡблацѣхъ въ срѣтенїе гдѣне на воздѣсѣ, ѿ тѣмъ всегда съ гдѣмъ вѣдемъ.

**Аллилуиа: Воззваша праведнии:**

**Стих: Блажени, яже избрал, и приял еси Господи.**

### **Евангелие от Марка, зачало 8. [Мк. 2, 14 – 17.]**

Во время оно, мимоградый видѣ левїю ѡлфѣова, сѣдѡца на мытницѣ, ѿ гла емѣ: по мнѣ градї. **И** воста́въ вслѣдъ егѡ ѿде. **И** вы́сть возлежа́щѣ емѣ въ домѣ егѡ, ѿ мно́зи мытарї ѿ грѣшницы возлежа́хѣ со їисомъ ѿ со о́учнїкї егѡ: вѣхѣ во мно́зи, ѿ по нѣмъ ѿдо́ша. **И** кни́жницы ѿ фарїсеѣ, видѣвшѣ егѡ ѿдѣца съ мытарї ѿ грѣшники, глаго́лахѣ о́учнїкѡмъ егѡ: что́ ѿкѡ съ мытарї ѿ грѣшники ѿстѣ ѿ пїетѣ; **И** слы́шавъ їисъ гла ѿмъ: не трѣбѡютѣ здравїи врача, но волѡцїи: не прїидѡхѣ призвѣти прѣвнїки, но грѣшники на пока́нїе.

### **И за упокой, от Иоанна, зачало 16. [Ин. 5, 24 – 30.]**

#### **И от Иоанна, зачало 16. [Ин. 5, 24 – 30.]**

Рече Господь ко пришедшим к Немѣ ѿдеом: **А**минь, аминь глаю вамъ, ѿкѡ слы́шавшїи словесѣ моегѡ ѿ вѣрѡмъ послѡвшемъ мѣ ѿматъ живѡтѣ вѣчнїи, ѿ на сѣдѣ не прїидетѣ, но прѣйдетѣ ѡ смѣрти въ живѡтѣ. **А**минь, аминь глаю вамъ, ѿкѡ градѣтѣ часъ, ѿ ннѣ ѣсть, егда́ мѣртвїи о́услышатѣ гла́съ сѣа вѣжѣ ѿ о́услышавше ѡживѣтѣ. **И**акоже во о́цѣ ѿматъ живѡтѣ въ себѣ, тѣмъ даде ѿ сѣови живѡтѣ ѿмѣти въ себѣ ѿ ѡвласть даде емѣ ѿ сѣдѣ творїти, ѿкѡ снѣ члѣвчѣ ѣсть. **Не** дивїтесѣ семѣ: ѿкѡ градѣтѣ часъ, въ о́ньже всї сѣщїи во гробѣхъ о́услышатѣ гла́съ сѣа вѣжѣ, ѿ ѿзыдѣтѣ сотворшїи влгѡа въ воскршѣнїе живѡтѣ, ѿ сотворшїи слаа въ воскршѣнїе сѣдѣ. **Не** могѣ азъ ѡ себѣ творїти ничесѡже. **И**акоже слы́шѣ, сѣждѣ, ѿ сѣдѣ мѡй прѣвнѣ ѣсть, ѿкѡ не ѿцѣ воли моеѣ, но воли послѡвшагѡ мѣ о́цѣа.

**Причастен: Радуйтесѣ праведнии о Господе:**

**Другий: Блажени, яже избрал и приял еси Господи.**